

中國地方志集成

中國地方志集成

民國二十六年編定
宣統建德縣志

中國地方志集成

安徽府縣志輯 ⑥③

民國石埭備志彙編
宣統建德縣志



江蘇古籍出版社 ● 上海書店 ● 巴蜀書社

責任編輯 王華寶
封面設計 范一辛
美術編輯 姜 嵩

中國地方志集成

安徽府縣志輯⑥③

出版發行 江蘇古籍出版社

社 址：南京市中央路一六五號

發行部電話：〇二五—三三三三四六二

郵 編：二一〇〇〇九

印 刷 上海市印刷七廠

定 價 二二二二二

1998年4月第1版第1次印刷

ISBN 7—80519—024—5/K·24

石埭備志彙編目錄

序 章 卷一 卷二 卷三

叙例

卷一

大事記稿 倪文瀾 纂修補編

卷二

山川志初稿 陳南史 倪文瀾補編

卷三

人物志初稿 陳南史 纂修補編

人物志初稿 陳南史 纂修補編

石埭備志彙編 目錄

卷四

金石志稿 纂修補編

金石志稿 纂修補編

卷五

藝文志 纂修補編

卷五

藝文志 纂修補編

卷五

藝文志 纂修補編

序

余自二十歲出交海內七大夫七十寓居天津今十有一年交陳一甫觀察
寓公今年七十有二矣石埭皖南萬山中歷世開出特異之士交久方知一
自少至老能一教其所經世變與人同所交王公貴族以及富貴貧賤之士與人同而立身
特與人異因嘗讀其石埭備志彙編不可不詳言其人之大略其一曰儉凡奢靡繁費向所
不爲人事迭更而一甫獨行吾素一曰孝其先大夫逝世久矣而孺慕不衰特爲百歲紀念
之舉徵取時賢文字輯成巨集觀其先人猶生存於世也唯因儉而後有餘資乃爲施濟之
事凡遇災荒及造永濟大橋以拯人生命恒不惜捐金巨萬皆人所周知者人所不知之善
事余亦不得而知也性喜遊以士大夫之身布衣草履國內名勝登涉幾遍又及日本未已
也將屆七十之年猶爲歐美之遊歸著紀遊巨編印以饗世俾人人知外國之禮俗夫務馳
也將屆七十之年猶爲歐美之遊歸著紀遊巨編印以饗世俾人人知外國之禮俗夫務馳

石埭備志彙編 序

域外之觀者恒遺其鄉里之辭隘而一甫獨爲於桑梓之誼石埭文獻所注念因而從
事博採無間雖有疑難輒咨訪通人務求徵實余見其十年之閒儉爲孝孝爲備志之
稿數經易寫不以爲苦此何所爲而爲者蓋由其孝之一念推而行之也夫吾孔子嘗稱萬
吾無間然非衣惡食而致孝乎鬼神儉也孝也萬學也一甫其萬之徒歟一甫生當末造無
尺寸之柄備其身與家以及其鄉縣人未知其本儉與孝二者而出故序備志彙編詳言
之方今世變之大幾前後五季而加劇人人反儉與孝之風更烈一甫一手所不能障亦祇
其書以待其人而已耳辛巳重九節八十一叟章校

力志之書史家具體所難得者資料及好古敏求之人任其事爾吾鄉同治季年邑人汪梅
翁纂上江兩縣志其時大難初平文獻尙易求余已致歉於採訪之艱蓋官書有程分纂者
之見聞有限則以先事無人籌備也余少時與同學諸君屢分門廣繼爲之因循未果其

後遊宦客授坐荒歲月上年開闢旋里亦頗有紀述以茲桑梓特表亂之後故老凋零紀載不備會以方聞之士逝者九原存者千里深以無從藉手爲憾茲一由觀誓出所纂石埭備志彙編見示而問序於余余受而讀之既歛其善繼父兄之志又好奇古敏求獨爲其難史公所謂纂義無窮者其人也余自息侯當代立言君子嘉君孝義爲作生傳而於備志藝文各門多所是正書凡一二萬餘言始於民國戊寅成於辛巳中開事變相尋石埭令長數易紳耆散之四方幾致中樞君懷而不舍用志不粉物力之匱貨諸監河誤書之思繼之日復同輩慶幸親書之成而不知君力之瘁也後世執筆以志石埭者可無吾邑梅翁之歎矣因憶章實齋文史通義有州縣設立志科之議後人證其言而不能行吾以爲用章氏之法而又得如一甫者任其事由邑而郡而偏於行省史學必日進於昌明余雖篤老猶將拭目俟之辛巳七月上元顧祖彭

石埭備志彙編

序

昔孔子曰夏禮時而以文獻不足慨然於杞宋之不足徵歸震川氏曰文獻之於世其可少乎設是故大而省郡小而州邑莫不有志乘藉信於今而傳於後若夫徵文考獻筆之於書以待修志者之採錄則士大夫之責也吾皖自清咸同兵燹後典籍蕩然名都大邑率多病記載之殘缺近二三十年來干戈相尋未遑制作修志之議聞焉益無所聞此邦人士所竊竊引爲深憂者石埭陳丈一甫思散佚之日久而百千後世茫無稽攷也凡關於其邑之掌故網羅蒐集細靡遺積年累月成爲是編石埭山水人物之盛多可紀述如龍巖如鳳嶺如唐之杜荀鶴聞之湯文瑣皆舉學者自茲以往雖不必涉其境而地之靈人之傑舉慨然呈諸心目開詩云維桑與梓必恭敬止一丈蓋有之矣抑吾鄉賢士大夫倘聞風興起各就其邑之山川草木衣冠文物一一哀而錄之他日纂爲省志謂非蔚然一巨觀耶然則是編之成匪獨有功石埭且裨於全皖者實厚焉先民有言君子不忘乎鄉而後能及於天下

丈愛鄉如此推其所至則天下之被其澤也又當何如哉辛巳九月合肥龔心漢

修史修志以搜集故事爲難搜集果全筆則筆削則削計日可成余昔修清史及奉天黑龍江三省志皆先集故事總彙而分纂之先後告成皆本斯意不敢忽也吾友石埭陳君一甫留意方志既復刊康熙年舊志更議重修先搜集故事得大事表山川志金石藝文目錄亦各付印並訪錄史傳輯補人物志又以搜錄詩文屬爲餘次余又見其先公百年紀念冊併爲選錄數十篇以備補入藝文之用原冊僅五六百行此皆志事之難得者也遂力勸纂刊爲續修縣志張本他日志成當再執筆重書其後庶不負一甫究心文獻之苦衷也戊寅秋金榮

石埭備志彙編

序

石埭備志彙編卷一

大事記稿

邑人

石埭

太史公作史記於世家紀傳外刪繁撮要列爲十表以概括之所以便瀏覽
始置縣茲略師其意就史之可考及事之有徵者自漢迄今分年紀事使本縣之政治沿革
人文盛衰於以約略可觀本縣地僻人稀雖不著於世而傑出之士亦代有其人隋之
左雖當唐之桂仲武宋之丁繼王繼明之畢露皆見諸記載清之沈衍慶陳慶譽平生事蹟
宣付史館立傳陳艾亦列傳於安徽通志此外如桂含章之羽翼經傳周穀之學說楊文會
之佛學皆其最著者曾文正公與陳楊諸公相知最深有石埭多君子之語自茲而後願邑
人保存其忠正耿直之秉賦發揮其瑰奇浩博之學術以繼往而開來編者此作遺漏外誤
在所不免所冀邑之賢達多所匡正俾成信史尤所欣企也

石埭備志彙編

大事記稿

漢

武帝

元封二年 王始析涇縣西境地置縣於陵陽山麓曰陵陽縣即今之石埭也屬丹陽郡封

劉嘉爲陵陽侯

元封年間畫子明號伯玉涇縣人爲本縣令獲白魚剖之得方書明服食之法遂以石
爲甕具采五石脂以益烹煉三年丹成於中元日上昇事見劉向列仙傳

光武

建武三十年 丁琳徙封陵陽侯子鴻襲

蜀帝

建安三年 丙寅冬十二月曹操殺呂布以孫策爲討逆將軍封吳侯策自將討相卽於陵陽

禽之

建安二十一年 丙申郡陽民尤突受曹操印綬陵陽始安涇縣皆與突相應賀齊陸遜討破

突丹陽三縣皆降封周泰爲陵陽侯泰卒子邵襲邵卒弟承襲

三國

吳赤烏中置石埭縣以縣西有三巨石曰頭埭中埭三埭皆橫臥溪中鎖連溪鴻陵溪管溪
三水不通舟楫故名

晉

武帝

太康二年 壬午本縣屬宣城郡

成帝

石埭備志彙編

大事記稿

咸康四年 戊戌避杜后諱陵改陵陽爲廣陽

梁

武帝

大同十年 甲子以揚置石埭縣（按石埭在漢爲陵陽在晉改名廣陽隋始省入涇縣則梁

時廣陽未廢不應更立石埭舊志據南梁志謂本漢陵陽石埭涇縣地三國吳置石埭楊

梁因置縣隋省入南陵恐有誤）

隋

文帝

開皇九年 己未廢宣城郡置宣州石埭省入涇縣（文頤按舊志作者入南陵秋浦查隋書
地理志宣城郡統縣六又在涇之下註云一平陳省安吳南陽二縣入焉有蓋山陵陽山

「等語而蓋山陵陽山現均屬石埭其稱廣陽爲南陽者當爲煬帝時避諱之改名而隋書仍之則當時應爲省入涇縣矣再查平陳之年爲開皇九年正月共得州三十郡一百縣三百故書其年於此」

煬帝

大業九年 民苦隋政暴虐瀘溪汪華聞杜伏威實建德爲亂亦起兵逐宣徽嚴恭饒等六州牧而據其地時埭屬宣今縣東三里之華村即紀念華之名者或曰華村即歐州城也

大業十三年 丁丑 境內盜起人不自保汪華死衆推左羅當據涇號總管鎮其地羅當與竇建德決勝東草獲放置中流制敵遂號曰羅溪復築城兩重於陵陽山前衆以其有功歐號曰歐州

石埭備志彙編 大事記稿 三

唐

高祖

武德初左羅當以地歸獻

武德三年 復置安吳南陽二縣置歐州於縣東三里之華村八年廢

武德六年 詔授左羅當宣城大都督九州刺史宣德二司節度使封戴國公食邑二千戶十一月舒州總管張儉州擊輔公祏將陳當世於歐州之黃沙大破之

武德七年 二月輔公祏遣兵歐州刺史左羅當嬰城自守安撫使李大亮引兵破公祏壬子行軍副總管權文誨破公祏之黨于歐州拔其枝洞等四鎮

太宗

貞觀十三年 乙未 三月左羅當薨數葬本鄉松子嶺今改屬太平縣地

貞觀十四年 庚子 左羅當子紹齊加都督襲戴國公孫仲明官都督襲父爵

武后

垂拱三年 丁未 宣州申奏左氏祖墓有紫氣

神龍元年 乙巳 削左氏爵左羅當第三子紹本尚居石埭

玄宗

開元初歐州縣鄉置一學擇師教授杉山國清禪師有戒行屢詔入朝不赴因割三鄉稅租以贖僧素置倉輸納至今地名貢口溪名貢溪

天寶年間詔訪海內名山福地石埭得列在內故敕於陵陽山建仙壇宮

代宗

永泰二年 丙午 元和郡縣志載是年洪府都督李勉奏割秋浦青陽涇三縣於吳所置陵陽

石埭備志彙編 大事記稿 四

城置石埭縣（文頃按代宗永泰元年爲乙巳翌年丙午即改元大曆不當有永泰二年故張士範池州府志作永泰元年）並置池州石埭屬焉

穆宗

長慶中邑人七里桂仲武立平寇功爲福建團練使管轄略或云爲宣州觀察使又爲安南都護

文宗

太和六年 壬丁 桂仲武葬於閩劉禹錫有文祭之

懿宗

咸通年間沈幹任本縣令遷家於石埭

僖宗

乾符六年己亥黃巢陷官欽池等州官池刺史查衡字具瞻守官池二郡力拒黃巢及潭川敗績門義死本縣七都查城里爲節節地諸沈聚族賴以保障曾立忠惠祠祀之至今甲子歲名卸甲嶺者相傳即指拒黃巢於此卸甲故名

中和元年辛丑賊王仲隱自秋浦之赤嶺寇祁門赤嶺今隸石埭爲通祁門要道

光啟二年丙午當黃巢作亂時兵據黃村阪邑人桂盛在七里作鄉礮路與里人設險禦之女金銀遇賊不屈投井殉節至今猶名金銀井（姚志載和州戴移孝考云礮礮路在七里爲故縣北門晉宋六朝北道在大溪之東車馬交通從秋浦達池州由黃溢至樅陽皆此一衣帶水唐僖宗光啓二年黃巢作亂里人桂盛恐東道易於馳突改道從西憑險可固上峭壁下急湍旅人側足而過）

昭宗

石埭備志彙編

大事記稿

五

大順二年辛亥邑人杜荷鶴登進士

景福元年壬子孫備屯陵陽楊行密擊走之

景福二年癸丑邑人杜荷鶴登榜眼官至翰林學士知制誥

五代

年代待考西峯祖師童年遊安崇明寺即著靈異後至蓮花峯及杉山隨地卓錫湧泉便民灌溉至今遇旱人民猶奉祖師祈雨（據舊志載八九都赤嶺口之西峯庵係宋朝西峯祖師開建云當在宋初之時）

宋

本縣設知縣及尉各一人餘無考自宋朝官而出者則稱知縣餘仍稱縣令

太祖

開寶四年辛未宋滅南漢李後主大懼遣弟從善上表于宋請去國號改印文爲江南國主時南唐奄有安撫之淮南及江西福建等地

開寶七年甲戌宋遣曹彬水陸並進取池州以昇州之銅陵青陽並屬之次年十一月金陵

城陷南唐李後主肉袒降于軍門先是南唐時升池州爲康化軍轄黃池建德石埭三

縣尋復爲池州

太宗

太平興國三年戊寅東流縣原屬江州至是改隸於池州州又隸於江東路

太平興國五年庚辰縣治西三里萬春山建崇壽寺後遷於縣西門改爲觀聖道場南安崇

明寺金城山開福寺均賜額

淳化元年庚寅邑人左嘉善（左繼當第十六世孫）以鄉貢士辟爲御史

石埭備志彙編

大事記稿

六

淳化五年甲午邑人左端忠（左繼當第十七世孫）爲鄉舉歷任汝南知縣

眞宗

咸平二年己亥邑人左觀國授諫議大夫

仁宗

慶曆初始詔天下州縣皆立學由是歷代相沿不廢

皇祐四年壬辰遷萬春山崇壽寺於西門之迎恩橋爲觀聖道場並賜額焉即今之孔廟址

英宗

治平元年甲辰八九都福慶寺十一都明覺寺饒益寺均賜額

神宗

年待考邑人華村孫茂恭仕於朝一門同仕者十八人

世祖

至元二年乙丑（即宋度宗咸淳元年）軍兵營於海獅嶺設寺里人湯致政輸錢三十貫（時每貫值銀一兩四錢二分八厘六）得免（海獅古蹟碑）

至元十四年丁丑改池州爲池州路總管府屬江浙行中書省江南道宣慰司

成宗

大德四年庚子忻都任石埭達魯花赤時承舊制歲輸秋苗二萬八千担解府上下山阪所費不貲忻都請於當道改爲輕徭民便之立宣化碑以頌德

英宗

至治元年辛酉邑人儲璠登進士授贛州倅

順宗

石埭備志彙編 大事記稿

九

至正十一年辛卯十一月趙普勝周驥等據池陽太平諸郡江西省平章政事星吉募兵趙

銅陵克之擒周驥遂復池州分兵攻石埭諸縣

至正十二年壬辰縣衙內製錦亭懷仙樓均燬於兵

至正十三年癸巳三月十八日黑氣盈天風雷大作兩物若果核閏月復兩郡中爲甚青陽

次之本邑又次之謂其實食之似松仁時陳友諒寇池州郡邑受害之慘其甚與不甚猶

兩核之狀感以爲上天示警之驗

至正十七年丁酉明太祖以池州尚未攻克將石埭權隸宣州

至正十八年戊戌二月李文忠進取青陽石埭太平旌德皆下之四月陳友諒寇池州命

通海尋復池州趙德勝略石埭擒友諒將錢清

至正十九年己亥三月陳友諒遣將寇甯國太平縣明胡繼庸等擊敗之復寇青陽石埭張

德勝戰走之

至正二十一年辛丑明太祖平池陽十月以石埭屬池州改池州路爲池州府（八月改

九華府嗣復稱池州）編戶一十三里維時二都境鼓山東臨凡竹葉皆生白鹽居民每

日試取食之陵陽山下有泉一竅湧出田中味甚鹹居民咸置至今猶以鹽壩地名田

至正二十四年甲辰明太祖稱吳王邑人一都胡慶以百戶從征屢著戰功授江南都指揮

使鎮守石埭縣食邑三千戶保障一方

明初年待考七里地屬漢明太祖遣將劉謙討之邑人桂一季率鄉兵爲先鋒戰死贈衛銳

舍人

明

本縣設知縣縣丞（後裁）主簿（後裁）成化十九年知府常顯奏復嘉靖十年仍裁（典史儒

石埭備志彙編 大事記稿

十

學教授各一員訓導二員（正德年汰有一員後復）廩膳增廣生各二十名附學不道類

陰陽學訓科（陰陽生六名）醫學訓科（醫生一名）僧會司僧會道會司道會各一人吏

戶總兵刑工各司吏一人典史一人承發司典史一人儒學司吏一人

太廟

洪武元年戊申陳瑛任本縣知縣時學宮因元末經兵燹不存繼建之八月建南京罷行

中書省本府直隸南京省

洪武三年庚戌知縣陳瑛創建學宮行臺於紫微坊東

洪武五年壬子知縣尹安懿砌街衢疏通溝道建立坊巷民始復業先是城內因兵燹守禦

官盡將街磚砌砌垣人民離散自是相繼區畫本城爲大街者一小巷者十五復有沿

溪街市貨客貿易喧盛察院落成續建學宮堂齋門廊復建城隍廟遷顯濟廟於金城山

徵今爲三聖祠用清二代每歲九月九日致祭列祀典焉

洪武六年 癸丑 知縣尹安創建府館三間於縣急遞舖之西

洪武十四年 辛酉 秋大水壞民田

洪武十九年 丙寅 先是在縣治東有三皇廟以醫學立至是廢

洪武二十三年 庚午 一都谷塔領鄉官至知州

洪武末年知縣孟常一憲撫字祀名宦

成祖

永樂三年 乙酉 坊市陳琳領鄉官

永樂五年 丁亥 十月十五日帝因仁孝皇后崩逝諭天下僧衆赴會本縣備珠璣饒益寺僧

與焉

石埭備志彙編

大事記稿

十一

永樂六年 戊子 十一都胡寬領鄉官至興國知州

永樂二十一年 癸卯 二都章程領鄉官至常德府學教授

英宗

正統九年 甲子 敕旌四都楊時遇上五都方守仁爲義民先是邑大饑守仁出穀一千五百

石時遇出穀一千五百石助賑有司以聞賜教獎勵

景宗

景泰七年 丙子 坊市陳廷簡領鄉官

天順三年 己卯 二都章廷珪領鄉官

憲宗

成化元年 乙酉 一都李廷璵領鄉官

成化二年 丙戌 李廷璵登進士官至雲南按察司副使

成化七年 辛卯 八九都吳必顯領鄉官知縣徐旻去年到任修葺學宮今成殿廡門牆堂齋

號舍煥然一新旻在任九年邑人曾立忠良祠與尹安同祀焉

成化十九年 癸卯 大旱

成化二十年 甲辰 大旱饑知縣蕭顯來任事

成化二十二年 丙午 十二都張輝領鄉官

成化二十三年 丁未 吳必顯登進士官至長沙知府 是年於城子山前創建紫雲書院

知縣蕭顯因治南民田連兩早不秋乃於洪口築堰一處暨溝約三里兼蓄蓄濟交流上

下民賴其利至今以蕭侯名陂

孝宗

石埭備志彙編

大事記稿

十二

弘治元年 戊申 歲大饑先是本縣原有縣廟急遞舖及博山急遞舖(在琉璃嶺博古橋下)

知縣蕭顯詳准增設夏村與管口兩急遞舖舍以速郵傳均於三年建成

弘治三年 己酉 邑人李宅與孫祥建柳村石橋後爲溪水衝圯今猶僅架木橋

弘治四年 庚戌 張輝登進士官至福建按察司簽事

弘治五年 辛亥 知縣蕭顯因新城隍求雨驅虎均有驗於廟內建感應亭一所

弘治九年 丙辰 大水出蛟壞民田廬

武帝

正德五年 庚午 坊市陳續領鄉官至武昌府同知

正德六年 辛未 歲大有

正德七年 壬申 夏流賊劉七劫掠江中邑人震恐已而有土寇之變無辜罹殺戮者甚衆

萬曆四年丙子二都施大用中武舉

萬曆七年己卯七都沈國興領鄉薦坊市陳一璣中武舉

萬曆十年壬午二都唐斌十二都彭時來中武舉

萬曆十六年戊子二都唐文耀中武舉

萬曆十九年辛卯八九都桂希呂中武舉第一名

萬曆二十三年甲午桂希呂領鄉薦第二名坊市桂一驚中武舉

萬曆二十四年乙未桂希呂登武進士

萬曆二十五年丙申夏五月十五日始大雨二十二日晝夜如注二十五日平地水高四丈

衝入東南城關四野盡成江河八九都山崩水溢放道無存積屍橫野廬舍漂沒十一都

溪北一山約六七畝飛越溪南壓死男婦十四五人山上樹木如故

石康備志彙編 大事記稿

十五

萬曆二十八年庚子坊市桂應蟾領鄉薦仕至衡州府推官治獄詳慎修葺湘江中鼓山書

院以諱諸生 二都蘇萬民中武舉

萬曆二十九年辛丑夏六月大寒人盡衣棉深山積雪不消至七月始熱八月大熱時吳越

及大江南北無不病者

萬曆三十一年癸卯一都金文光中武舉

萬曆三十二年甲辰知縣熊應傑再修縣志 金文光登武進士崇禎初以平江西九連洞

寇功獲授總戎不赴明亡隱居古一山著有古一山集

萬曆三十五年丁未大水

萬曆三十六年戊申大水平地丈餘魚鱉入室沿溪田廬牛畜漂沒殆盡巡撫周孔教多方

振恤

萬曆四十三年乙卯坊市蘇來遠中武舉

萬曆四十五年丁巳江北鳳凰尾渡江月餘千萬爲草散去各色食禾稼池屬多有

萬曆四十八年庚申大疫秋西方彗星見大如斗掩白尾數十丈

光宗

泰昌元年庚申秋九月朔日申時日食無光星晝見

熹宗

天啓元年辛酉冬十一月大雪連晝夜至次年正月十六日始止民饑死者衆

天啓二年壬戌十一月地震

天啓四年甲子邑人在北京前門外大壽家胡同大席胡同創建石康會館 冬十月雷

天啓六年丙寅秋八月飛星大如箕西北來東南去聲如雷有流光灑落如火燄九月十六

石康備志彙編 大事記稿

十六

日夜半一星漸入月中無影

思宗

崇禎四年辛未夏四月大雪損麥

崇禎六年癸酉坊市桂仲中應天解元仲母歿廬墓表孝子 蘇瓊領鄉薦 十二都舒

章武舉副榜選入將材巡撫史可法調征流寇有功 時徽饒池土寇竄起創辦團練招

撫三都連獲得以安堵

崇禎七年甲戌蘇瓊登進士官至太僕寺卿祀鄉賢 夏六月田鼠自江北浮渡而南傷稼

崇禎八年乙亥史可法分守池州太平時李自成張獻忠等分擾河南安徽各地賊象昇以

可法爲副使分巡安慶池州可法破賊于潛山

崇禎九年丙子可法進駐太湖掃爲右僉都御史巡撫安慶廬州太平池州四府 冬無冰

崇禎十年六月李慈入南斗經南月

崇禎十一年江南說言祀諸邑如狂

崇禎十二年四月大雷如雪麥俱死八月飛蝗蔽天

崇禎十四年春大饑病疫死者相枕籍時江南等處歲饑

崇禎十五年夏蝗劫市陳白勳一都陳邦簡領鄉義

崇禎十六年元旦冷風凄慘黑霧迷七日始止

崇禎十七年春太白經天歷數月清兵入北京福王即位於南京改元弘光

清(官制與明代同)

世祖

順治元年(即崇禎十七年弘光元年)三月十九日李自成陷京師明思宗自縊於煤

石埭備志彙編

大事記編

十七

山梓宮出東門邑人湯文璠布衣撫哭書其紳以文信國爲志觸梓宮死程九萬誦知

池州府左參庚由東流以兵攻池州九萬死之十月清自濟陽還都北京

順治二年五月清僉王多鐸破南京始下蕪楚令七月邑人武舉桂一妻陳善曾天

宰等率鄉勇隨吳應箕起義白洋河抗清兵於池州兵敗應箕被執死一妻善天宰等率

兵由曹村退龍巖八月十二日清池郡守馬宏良(張自邑)嗣復本姓名率總領追至

龍巖一妻善天宰等戰歿於地總兵千永綏欲屠焚七都沈氏幾至覆族賴宏良委曲

保全沈氏立生祠以祀之二十八日自昌至城中張榜安撫委楊可建攝縣事下令燬髮

除明季加派三兩石埭自此始入清室版圖九月邑人舉永懋不屈投河遇救免爲僧

入陵陽山終其身不履城市其他如楊其仁登樓不下陳美通入歷山說事清廷者各姓

都有唐王朱聿鍵稱帝福州改元隆武

本縣編定徭役共一千五百八十八戶一萬零一百十八人男六千七百零六人計成丁

三千六百四十九人不成丁三千零五十七人婦女三千四百一十二人奉文編審除豁免

亡人丁七百四十九人外實編二千九百丁又除優免五百四十八丁每丁徵銀三錢五

分五厘九毫七絲一忽七微六纖九沙五塵五埃

順治三年丙戌邑人桂有燿殉唐王之難於江西撫州(乾隆四十年追諡節愍)八月邑

人陳昭李元騏領鄉義全邑大飢邑人蘇際應首捐穀倡賑災十月初十日地震

順治四年丁亥頒大清律制編戶口法十戶立牌頭十牌立一甲頭十甲立一保長戶給印

牌齊其姓名出入註其往來寺觀旅館一體頒給凡賣田地房屋增用契尾每兩輸銀三

分

順治五年戊子夏村蘇汝森領鄉義旌孝子周邦綬(上五都四甲)

石埭備志彙編

大事記編

十八

順治六年己丑歲饑邑人胡汝淳首捐穀二百石以備賑順江南省爲江蘇安徽兩省安

徽領府八直隸州五石埭等六縣仍屬於池州府

順治八年辛卯頒均田法將全縣田畝六萬一千八百畝畝均五百六十畝爲一甲地彼

注此平均攤負民無偏累十三都舒雲龍陳聖典中武舉

順治九年壬辰蘇汝森登鄉忠倚榜進士訓導縣言集合邑紳士講學於陵陽書院刊道

學正宗始置馬田以養驛馬由部頒銀四百五十一兩七錢四分二厘五毫八絲贖田

一百畝零三分八厘餘至是里甲可免津貼之累

順治十四年丁酉知縣高駿升重修文廟閏六月大水十一月雷鳴十二月十二日

地震邑人七都沈德載中武舉

順治十六年己未明將鄭成功由崇明入江抵金陵張煌言別取德寧諸縣東南大震民思

反清石城意嚴

順治十七年 庚子 知縣王太初重修文廟竣工 邑人曾元升中武舉 嚴禁士子結社集會 在四都境內有虎始食一僧相繼食一百八十餘人

聖廟

康熙元年 壬寅 考試停止八股文

康熙二年 癸卯 七都沈鳴珂中武舉

康熙三年 甲辰 邑人沈德載登武進士 次年仍用八股文取士并免順治以前通風

康熙五年 丙午 七都沈德履中武舉是年武科新例頭場試策五道二場試四書論經各

一篇

康熙六年 丁未 二月知縣姚子莊條陳錢糧六弊六法釐革舊弊以歸劃一至今稱便 沈

石康備志彙編

大事記稿

十九

鳴珂登武進士

康熙八年 己酉 歲禮邑人湯懋廉桂友壽等首倡捐穀備賑并捐鉅貲新建尊經閣 七都

沈德智中武舉

康熙九年 庚戌 沈德智登武進士

康熙十一年 壬子 秋大旱冬十二月姚子莊領賑賑放至次年四月始止民多德之 是年

領聖諭十六條立碑於明倫堂 次年癸丑廷議撤藩撤藩仍吳三桂以雲南反 邑

人蘇汝霖任廣西提學十九年回京

康熙十二年 癸丑 坊市桂自錦七都沈德藩十一二都舒立誠中武舉

康熙十三年 甲寅 沈德藩登武進士

康熙十四年 乙卯 姚子莊重輯石城縣志八卷 五月子莊上疏稱新安衛丁地保火夫封

船五議石康自此免封船之役 八九都胡日升七都沈明徵十二都彭洪湯聖中武

舉

康熙十七年 戊午 吳三桂即位衡州國號周改元昭武三桂卒其孫世璠立改元洪化江南

戒嚴

康熙二十年 辛酉 祀前知縣姚子莊於東門外長林書院

康熙二十三年 甲子 邑人彭紀舒朝模中武舉

康熙二十四年 乙丑 湯聖登武進士 僧海順及胡金門築修石門嶺建步雲庵於嶺巔化

峻嶺爲康莊至今稱便

康熙二十九年 庚午 知縣趙承烈輯縣志附印於姚志原版之後 沈明徵登武進士邑

人章樂登中武舉

石康備志彙編

大事記稿

二十

康熙三十八年 己卯 邑人蘇鍾順領鄉薦沈自珍舒孟嘉中武舉

康熙四十五年 丙戌 流沙嶺賊建巨剎曰萬緣禪林並掘石洞洞長五丈許如城門然爲

吾邑大建築之一

康熙四十七年 戊子 彭洪登武進士陳自牧領鄉薦 五月大水四五都被災尤甚打傘塔

(路名通微要道)一帶奔潰人畜淹斃無算次年僧隱行鑿石築路 闕免本年丁地錢

糧又發穀賑卹又全闕次年丁地錢糧

康熙五十一年 庚辰 知府馬世永重修池州府志 始滋生人丁永不加賦詔 治江南科

場大獄

康熙五十二年 辛巳 邑人李天慶領鄉薦

康熙五十四年 乙未 大旱自五月十三日微雨至十月雨始足一望赤地禾稼焦枯知縣朱

申報發倉大振

康熙五十六年 嚴禁傳布天主教

康熙五十七年 六月二十八日大水比四十七年只少一尺合邑被災 邑人畢玉履

領鄉處

康熙年待考邑人蘇曜創設蘇氏文苑捐田租二百石爲此後金縣士子鄉會試卷燭之資

（按此項田租現歸縣府教育科每年收支）

康熙五十九年 邑人舒劍中武舉

世宗

雍正元年 定丁銀攤入地糧內徵收例特開墾墾水田以六年起科旱田十年起科凡

有可墾之地聽人民自墾自報官吏不得勒索阻撓 嚴禁百姓代賄州縣虧空並命停

石康備志彙編

大事記稿

二十一

捐例

雍正七年 設常平倉社倉令削除伴當世僕（俗呼小戶）等籍與編氓同列按戶編審

契稅每兩三分之外加徵一分爲科場經費

雍正八年 知縣蔡廷翰以城垣傾圮商議修葺事未竟以丁銀去任知縣盧百朋集款

九百餘兩補築重新城樓雉堞屹然鞏固

雍正十年 邑人楊有定領鄉處 開除懷桐宿南涇陸石東當等縣茶引八千九百引

雍正十一年 命各省設立書院知府李璋增廣試院興秀山書院（六縣公產）勸課尤

勤

雍正十三年 邑人桂朝獻領鄉處

高宗

乾隆元年 內閣試博學宏詞坊市桂含章（著有春秋比事彙編十六卷四書益智錄二

十卷左傳類纂一卷一與試以病歸 邑人沈德馨領鄉處 是年領十三經二十一史

於各省及府州縣學并頒定營造尺

乾隆六年 邑人沈樂成領鄉處 採訪遺書 次年壬戌定選拔貢生爲十二年一次

例

乾隆八年 邑人陳鳳也張應翔蘇德音等始建文昌閣於東門外

乾隆九年 鹿孝子方成（上五都二甲）陳夢遠（上五都三甲）入祀忠義祠 次年丙

寅普免各省錢糧一次

乾隆十二年 邑人陳洪善桂作霖同領鄉處

乾隆十四年 知縣石瑞璣續修縣志八卷未刊行而卒僅存稿前四卷民國二十四年

石康備志彙編

大事記稿

二十二

印成

乾隆十五年 邑人蘇敬領鄉處

乾隆十七年 邑人桂聖俞李一瑞同領鄉處

乾隆十八年 邑人沈顯領鄉處

乾隆二十一年 知縣余模復修文廟知縣吳文濟於竣工時勒石旌忠義李用賈（字

國秀一都五甲）左離當（字匡正老三都二甲）柳世恩（字南北二都甲）孝子楊

永顯（下五都三甲）義士陳景芳（字子春市都八甲）方守仁（上五都二甲）楊

時運（四都二甲）蘇注（字時東一都七甲）入祀忠義祠（祠在文廟西隅今圯有碑

可考）

乾隆二十二年 三次南巡 詔會試易表判爲詩易經文於一場次年復於頤場增性

理論一篇

乾隆二十四年己卯邑人沈德修沈德宜同領鄉薦

乾隆二十五年庚辰安徽布政使移駐安慶

乾隆二十九年甲申知縣林京詳請估修縣城領帑一千六百四十兩重加修築計城門五水關一高一丈六尺厚八尺周長三里一分

乾隆年待考銜籍姚文炳考入本縣學額先是銜籍子弟須赴新安衡考試文炳訴諸學院准撥學額二名於石埭得與民籍一體考試

乾隆三十年乙酉邑人蘇殿榮沈士噶楊邦彥同領鄉薦

乾隆三十五年庚寅錫免應徵錢糧次年壬辰飭購訪遺書及著作

乾隆三十六年辛卯坊市陳鳳苞領鄉薦

石埭備志彙編

大事記稿

二十三

乾隆三十九年甲午邑人沈廷襄捐屋創設沈氏文苑並捐田租穀二百石（此田租數現

由縣府教育科經管）為此後全縣士子鄉會試卷燭之寶

乾隆四十年乙未邑人之旅南京者倡建石埭會館以為鄉試備寓之所

乾隆四十一年丙申追賜明太僕寺卿蘇瓊諡忠穆本縣崇祀鄉賢祠

乾隆四十二年丁酉邑人陳以勳領鄉薦

乾隆四十三年戊戌邑人蘇廷鵬捐田租穀六十石為學田延聘嚶幼子也當病篤時聚議

捐田償學資冥福廷鵬曰不如繼先人志捐作學田現由教育科管

乾隆四十四年己亥邑人汪鍾領鄉薦知府張士範重修池州府志時石埭人口三十三

萬一千八百餘名按現在全縣人口僅四萬八千餘名相差甚多恐不符（田地山塘原

額折實田六百一十八頃二十三畝有奇

乾隆五十二年戊申邑人沈瑞領鄉薦頒發大清一統志南京水西門孫家巷石埭會

館落成自倡建至今歷十二年現為老會館

乾隆五十四年己酉邑人沈自成領鄉薦

乾隆六十年乙卯江南省鄉試自蘇皖分省後至是額定蘇六皖四分配

仁宗

嘉慶元年丙辰高宗禪位仁宗舉行授受典禮及慶大廟祝會增廣學額

嘉慶二年丁巳重建忠義祠於文廟西偏迎李川賈左難當等九人木主入祀之（今祠已

圯尚有蹟可考）

嘉慶三年戊午一都吳元中武舉

嘉慶五年庚申義鄉大約嶺危岩削壁行人苦無止息縣史延齡選良工查某建築斯嶺

石埭備志彙編

大事記稿

二十四

曲折適當稱為坦途胡知縣勒碑永禁開挖

嘉慶十年乙丑旅寧同鄉於武定橋側另建會館一所地鄰貢院便於士子入闈至道光十

八年增置館後樓房大院合計樓平房五進是為新會館民國十八年後改為石埭旅京

同鄉會其房地產業見於二十二年所製財產表者計東牌樓中華路許事街等處房屋

十一所百五十七間收其租入以充經費並於中華門外安德門內琉璃廠登武店花廟

又名李家園置山地平地四處以為義塚植五萬元凡在京中學以上之同鄉學生寒苦

者酌給津貼

嘉慶十六年辛未修備文廟雅樂十七宗一百五十八件實文度數悉由訓導汪榮依律呂

正義詳加校訂成無式分寸之逾章譜無纖析之說選廉生二十人舞生四十人習之御

賜樂以通曉數學印章是年試辦海運

嘉慶十八年 下五都徐必沐領鄉薦

嘉慶二十五年 重開鳳凰嶺（通徽要道）鑿石爲途護以石欄險道化爲坦途

宣宗

道光元年 邑人李玉衡被徵舉孝廉方正 三月建察院於東街（現爲教育局）先是邑試院被焚縣試几案須自備 邑人周毅號太谷傳道於儀徵兩江總督百齡聞而收繫之旋釋出從者編衆適爲弟子所記者號太谷經詳列傳（安徽通志民國二十年稿列傳六）門人李積中居山東肥城而有黃屋冤獄今爲在理教之祖

道光二年 沈氏合族建凌雲塔於甲子嶺嶺開工於嘉慶二十年歷今八年工始竣爲

吾邑建築物之一

道光四年 儒學童汝成續輯縣志未刊印民國二十四年印成

石埭備志彙編

大事記稿

十五

道光五年 聘費池桂超萬蒞石掌廣陽書院教

道光八年 邑人張鶴樓繼其先人瑞芝之志恢復麗澤文苑（俗呼張氏文苑）並捐田租穀伍百石（每一十斤爲一石）爲每屆科歲試卷燭費

道光十四年 七都沈衍慶領鄉薦

道光十五年 沈衍慶登第五名進士

道光十七年 嶺下楊福藻領鄉薦是年十一月十八日嫡孫生子文會

道光十八年 黃滋爵奏請嚴禁鴉片烟次年林則徐焚燬鴉片於廣州停止英人貿易

先是邑有李某服官廣東河泊司恒與赴粵洋莊茶商各携鴉片烟回籍邑中緝鴉子弟漸趨嗜之是爲鴉片烟流行石埭之始沈衍慶上林則徐書請禁鴉片烟 楊福藻登進

道光二十三年 重建文昌閣於東門外歷三年工始竣爲士子吟宴之所 邑人沈寶鑑領鄉薦田鶴飛中武舉

道光二十四年 邑人楊殿材沈寶鑑同領鄉薦

道光二十九年 邑人江南北大水屋廬蕩蕩戶遍野金陵本邑會館亦水深火餘

道光三十年 建全縣節孝總祠於城東

文宗

咸豐元年 兩江總督陸建瀛奏請試場添作性理論部議准生員於考試經古場童生於府縣覆試場在濠洛關閣書中出題先是石埭學額府學三名縣學十名後又迭加四名是年洪秀全據金陵學憲沈念農專辦皖南軍務於籌餉案內奏准加學額二名共十九名嗣後永以爲例庫銀亦復原 地生毛吹之若針刺抽之無根

石埭備志彙編

大事記稿

二十六

咸豐二年 坊市陳錫周領鄉薦

咸豐二年 正月十七日太平天國軍破安慶二月初十日攻入金陵以金陵爲國都號曰天京頒天條十條時清學使沈念農督皖南軍務檄游府周天受率九營蒞石埭疏

疏崇覺寺都司黃某率三營駐夏村石埭重經兵燹自此始 時安徽院司皆屬守廬州府衆議建爲省治授江忠源安徽巡撫 沈衍慶以名進士出宰鄱陽七月十四日太

平軍攻鄱陽衍慶力戰死之 八月邑西城內桃李華 池郡爲太平軍所破 石埭組織廣陽團總局四鄉各設分局自此權歸紳士縣官書諾而已 二十七日太平軍攻

石埭不利退踞陵陽鎮十二月初十日疏瑞嶺失守太平軍入石埭經夏村徑往徽州沿

途順守紀律

咸豐四年 正月太平軍孫寅三趙太平破祁門范四賂由青陽攻石埭清軍周天受自

琉璃嶺敗退徽州邑孝廉方正桂號(字卿一)率鄉團守露礮力寡不敢退至雪潭
將投水自殉太平軍入石埭下者髮令當天受退經夏村時高城孫偉等乘機截切極重
三月天大風雨寇大者如杯小亦如豆菜麥歉收 是月太平軍湯監軍由池郡蒞石
安撫並於各都設軍師旅帥司馬百長等職(如四五都公推蔣家王充軍師蘇華寶充
旅師徐萬士充帥師議定倘不幸遇害應由地方撫恤其家屬並為立廟祭祀藉蘇徐等
出死入生奔走府省地方賴以稍安) 五月范四勝敗退石埭天受率兵縣署經夏村
懷孫偉截劫之仇縱火焚之遂克縣城四勝退青陽天受仍駐崇覺寺越三日軍門鄧紹
良繼至經夏村火未熄撲滅之 六七月間大旱 七月清太平知縣歐陽榮照復石埭
縣城清刑部主事楊撫漢倡辦青石太旌澤團防凡二十歲以上六十歲以下悉編入隊
是歲太平軍至袁鄉火燬廟宇大洪嶺之古松庵預焉最慘者深潭洞內有難民百餘
人同日被焚死

石埭備志彙編

大事記稿

二十七

咸豐五年乙卯正月辛巳太平軍由青陽趨石埭丁亥石埭下辛卯縣下是日清軍復石
埭 五月太平軍由婺源經夥縣由羊樓嶺取石埭清軍向榮遠鄧紹良隨擊收復之
方略何桂清疏國史鄧紹良傳) 太平軍退踞青陽紹良留兵堅守琉璃嶺八月乙酉清
周天受再復石埭城進駐陵陽鎮是時青邑士民多離離天受已不欲駐 十六日沈念
農以經費艱難札飭分派 二十一日紹良提師回淳村天受亦由陵陽鎮回師石埭城
中居民惶惶擄掠等乃聯合涇旌太石四縣紳耆列名再三請留重兵守石略謂徽浙
依旌太為門戶旌太依石埭為藩籬是故守石邑所以守旌太守旌太即所以守徽浙當
以旌太之勇為石埭壯軍威以徽浙之費為石埭助軍餉鄧周二軍乃仍留駐石埭於是
議割皖南五府州隸浙以徽道專軍事江南大營利浙餉徽道重兵向皖南

咸豐六年丙辰清軍守崇覺寺太平軍屢攻均不利五月江南大營陷向榮死之 時太平
軍內紅石達開奔壽國不復返安慶 八月丙申太平軍走羊樓嶺向祁門祁門休寧俱
下江長貴擊走之 九月太平軍之撲徽州也張沛親督戰周天受馳至解圍時建德來
援之太平軍入壽根嶺至歷口為祁門關統所遏休寧之太平軍失援甲申復取夥縣
十月清周天受復夥縣太平軍分道由祁門北出本縣之大洪嶺由夥北出羊樓嶺 十
二月甲午太平軍由石埭繞羊樓嶺外趨祁門清鄧紹良駐寧國督寧國軍務防浙退
是歲大旱蝗

石埭備志彙編

大事記稿

二十八

咸豐七年丁巳三月壬戌周天受復石埭駐崇覺寺太平軍翼王石達開率眾攻石埭分四
隊一由太平境入華坑攻夏村一由陵陽鎮攻崇覺寺周天受連戰却之因甚適軍門江
長貴由郭村來援國乃解是役也圍統防堵之力頗多 閏五月庚子太平軍古隆賢由
石埭侵夥江長貴擊走之
咸豐八年戊午八月乙卯池州太平軍分侵石埭青陽遂合據陵陽鎮進崇覺寺江長貴由
徽來援始去 浙撫胡興仁奏減皖南軍餉 九月太平軍突破琉璃嶺清軍潰退鄉團
練扼守泥田礮力不支圍董蘇需被執不屈死團長蘇湧元等陣歿城陷城鄉紳耆及婦
女死亡枕藉是月戊寅太平軍由陵陽鎮趨崇覺寺江長貴擊退之 時青陽亦有敵眾
來侵太平江長貴又敗諸夏村 十月甲辰健軍程紹鸞擊退夏村太平軍 乙巳江長
貴率軍平毀陵陽鎮太平軍自七月肇州再陷後清軍專注重淮南北鮮有顧及皖南
者 十一月鄧紹良戴文蘭戰歿於黃池皖南益賴藉不可為矣 是月詔前江西巡撫
張芾督辦皖南軍務駐徽州
咸豐九年己未正月督寧國軍務鄧魁士復黃池四月魁士被劫稱疾去張芾以周天受統